



Broj: T18 0 KT 0018709 26
Brčko, 15.05.2026. godine

Optužnica potvrđena dana 18.05.2026. godine

Na osnovu člana 35 stav (2) tačka h) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

J.I. rođen 1990. godine u Brčko distriktu BiH,

Što je:

Dana 21.07.2025. godine, oko 06,30 sati u Brčkom, upravljajući putničkim motornim vozilom marke „VW Passat“, registarskih oznaka ..., u kojem se kao suvozač nalazio A.J., kretao se lokalnim putem iz pravca mjesta Brka ka Brčkom brzinom od 51,4 do 56,6 km/h, pa, svjestan da zbog njegovog postupanja može doći do saobraćajne nezgode, ali je olako držao da ona neće nastupiti, suprotno odredbama članova 50 stav (2) i 130 stav (4) Zakona o osnovama bezbjednosti saobraćaja na putevima u Bosni i Hercegovini, dolaskom do raskrsnice tog lokalnog puta sa regionalnim putem R-460, nije smanjio brzinu kretanja vozila i nije zaustavio svoje vozilo, iako se ispred njega nalazio vertikalni saobraćajni znak „obavezno zaustavljanje“ a na kolovozu poprečna bijela puna linija zaustavljanja, koji su ga obavezivali da ispred te linije vozilo zaustavi, pa, zbog neprilagođene brzine kretanja, nije uspio održati kontrolu nad vozilom kojim je upravljao i nije uspio isto usmjeriti ulijevo za oko 90 stepeni u smjeru mjesta Cerik, Brčko distrikt BiH, već ga je samo blago ukosio ulijevo, te je na kraćem odstojanju od desne bankine regionalnog puta, gledano iz pravca Brčkog ka Ceriku, preduzeo intenzivno kočenje nakon čega je vozilo dospjelo na tu bankinu, odakle je sletilo u njivu pored puta čiji je nivo tla za oko 1,2 metra niži u odnosu na nivo tla kolovoza regionalnog puta R-460, usljed čega je suvozač A.J. zadobio teške tjelesne povrede u vidu nagnječenja glave, grudnog koša i kukova, nagnječenja pluća i preloma trupa dvaestog grudnog kralješka,

dakle, kao učesnik u saobraćaju na putevima koji se ne pridržava saobraćajnih propisa, iz nehata ugrozio javni saobraćaj i doveo u opasnost život ljudi, pa je zbog toga kod drugog nastupila teška tjelesna povreda,

čime je učinio krivično djelo – Ugrožavanje javnog saobraćaja – iz člana 326 stav (3) u vezi sa stavom (1) Krivičnog zakona Brčko distrikta BiH

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
